

Маҳалладош

БАЖАРАМАН ДЕСА ИШ ЕТАРЛИ

СЕРГЕЛИ райони ҳудудида 12 та маҳалла мавжуд. Шулардан 5 таси 1968 йилларда, 5 таси 1987 йилда, 2 таси шу йилдан бошлаб алоҳида-алоҳида ном билан аталдиган бўлди. Бу маҳаллаларда 30 мингдан кўпроқ аҳоли истиқомат қилади.

Ўтган давр мобайнида маҳаллаларнинг яшаш шароитига, ободончилигига, урф-одатларининг сақланишига, ёш авлодларни тарбиялаш ишларига кўпчилик аҳамиятсизлик билан қараб келди. Натижада маҳаллалар ҳудудидаги йўллар, ариқ-зовурлар, электр чироқлари, газ қувурлари ва телефон симлари қаровсиз қолга келиб қолди. Одамлар ўртасида бу ишларни амалга ошириш, яхшилаш, тиклаш ҳусусида гап бўлар эди, лекин унинг бажарилишига ҳеч ким аҳамият бермас эди. Менимча бунга сабаб илгари маҳалла раислари ва котиблари амалга оширилиши керак бўлган ишларни маош олмай бажаришарди. Яъни хоҳласа ишлаб, хоҳламаса ишламай юришган. Ҳозирчи? Ундай эмас. Мана шу бефарқликка чек қўйиш мақсадида Тошкент шаҳар Кенгаши ижроия қўмитаси 1990 йилда «Маҳалла дастури»ни қабул қилди. Унда маҳалла раиси ва котибига маош тайинланиши тасдиқланди.

Ҳозирги кунда шаҳримиздаги барча маҳалла қўмиталарида ишлар анча юришиб кетган. Шу дастур асосида Сергели райони маҳаллаларида ҳам келажакда қилиниши зарур бўлган ишларнинг режалари белгилаб олинди. Беш йилликка мўлжалланган дастур қабул қилинди.

Унда кўрсатилишича маҳаллалар бўйича кўчаларни асфальт қилиш, ҳудуддаги жамики ариқ-зовур шохобчаларини жорий ремонт қилиш ишлари ва тозалангандан кейин чиқарилган чиқиндиларни олиб кетиш ишлари мўлжалланди.

Бундан ташқари кўчалармзорлаштириш, кўпроқ меваги дарахтлар экиш, хиёбонлар ташкил қилиш ишлари ҳам режалаштирилди. Манший хизмат корхоналари, савдо шохобчаларини бунёд этиш ҳам кўзда тутилган.

Дастур асосида «Нўғайқўрғон» маҳалласининг (раиси Асқар Аҳмедов) ҳудудида 2 та, яъни Фрунзе ва Киров номли кўчалар жорий ремонт қилиниб, 19,5 минг сўм пул сарфланди.

«Ўзгариш» маҳалласида (раиси Рашид Раҳимжонов) эса 1991 йилнинг апрель ойи сўнгигача 4 та кўча, 4 та тор кўча таъмирланади. Унга 160 минг сўмга яқин маблағ сарф қилинади.

Айни вақтда район ҳудудида ариқ-зовурларни тозалаш ишлари давом этапти. Мавжуд экилган меваги ва манзарали дарахтларга ишлов бериш, парварिश қилиш бошлаб юборилган.

Сергели 8 ва 8-а мавзесида март ойида янги маҳалла ташкил топди. Маҳалланинг номи ўзбек халқининг асл фарзанди, генерал Собир Раҳимов номи билан аталди. Хуррам Ашуров янги маҳалланинг раиси этиб сайланди. Шунингдек маҳалла қўмитаси иш олиб боришлари учун янги бино ҳам фойдаланишга топширилди.

Райондаги барча маҳаллаларда қариялар, катта ёшдаги ака-опалар ёшлар ўртасида тарбия ишларини олиб боришга ҳам бош-қош бўлишмоқда. Айниқса маҳалла фаоллари ёшларни кўча-кўйда ўзларини тутта билиши, салом-алиқни унутмаслик, қарияларни, хотин-қизларни ҳурмат қилиш, оилада ўзини тутта билиш, ўртоқлари билан қандай муомалада бўлиш, кўпроқ ўқишга, меҳнатга интилиш кераклиги ва ярамас ишларга қўл урмасдиқлари ҳақида тушунтириш ишлари олиб боришяпти.

Шунингдек, унутилиб бораётган эски урф-одатларни, маданий меросларни ва эски ўзбек тилини тиклаш борасида ҳам ишларни амалга оширишмоқда. Шу боис миллий байрамимиз «Наврўз» — кўкариш, яшнаш, гўзаллик, пок-ланиш айёмига катта тантана билан ўтказишди.

Шунча ишлар қилинаётган бўлсада, аммо ҳал қилиниши керак бўлган муаммолар жуда кўп. Улардан бири Калинин райони билан Сергели райони ўртасидан 2 та канал ўтган. Мана шу каналнинг жорий ремонт қилиниши аросатда қолмоқда. Каналнинг аҳволи «Бор отангга, бор онангга» бўлиб ётибди. Сув оқими эса борган сари қийинлашяпти.

Бундан ташқари барча маҳаллаларда соғлиқни сақлаш муассасаларининг етишмаслиги, болалар яслиси ва боғчаларининг камлиги, транспорт воситаларининг маҳаллалар ичидан юрмаслиги, газ, канализация, электр тармоқларининг ночорлиги ҳал қилиниши керак бўлган энг асосий муаммолардан саналади.

Лекин маҳаллалар қўмиталарининг раислари имкони борича аҳолининг яшаш шароитини янада яхшилаш борасида кўп иш қилишмоқда. Шу ерда яшайётган барча каттае кичик фаровон яшаш, тинч-тотув бўлиш учун курашмоқдалар.

Июль ҚИПЧОҚОВ,

Сергели район ободонлаштириш бошқармасининг бош-лиги.



Шаҳримизда бутун умрини халқ хизматида бахшида этган табаррук отахон ва онахонларимиз кўплаб топилди. Жумладан, 10 фарзандни оқ юниб, оқ тараб вояга етказган Фариди ая Назиро-ва ҳам муаллимлик касбини ардоқлаб, ўзларининг бор билим ва маҳоратлари-

ни келажак авлод тарбиясига бағиш-лаганлар. Ҳозирда кексалик напидаси-ни суриш билан бирга 22 неvara ва 5 че-вара тарбиясига бош-қош бўлаётирлар.

СУРАТДА: Фариди ая неvara ва че-варалари даврасида.

Воҳид Тўраев сураги.

Кўп қаватли уйларда

НАВОИЙ НОМИ БЕРИЛДИ

«Октябрь» уй-жой қурилиш ширкати томонидан берил-ган 9 қаватли уйларга энди-ган кўчиб ўтган аҳоли олдиди бир муҳим масала кўндаланг турарди. У ҳам бўлса асосан тўб ерли кишилар яшайдиган маҳаллага қандай ном берили-ши эди. Одамлар шаҳарнинг турли бурчакларидан келиш-ган, бир-бирларини яхши та-нимайдилар. Бундай ҳолатда, ўз-ўзидан фикрларнинг бир хил бўлмаслиги табиий.

Дам олиш пайтларида кўпчи-лик тўпланиб, маслаҳатлашиш-ди, баҳслашдилар. Ниҳоят, вақтинча маҳалла қўмитаси-нинг раиси вазифасига тайин-ланган Раҳматилла Ризаевнинг таклифи барчага маъқул туш-ди. У маҳаллага бобокалон шоиримиз Алишер Навоий но-мини бериш истагини билдир-ган эди. Улуғ аллома тавал-лудининг 550 йиллиги кенг нишонланаётган бир пайтда шундай йўл тутилгани жуда қувончлидир.

Октябрь райони «Жараник» мавзесидаги 6, 7, 8, 9-кўп-қаватли уйларда истиқомат қилаётган аҳоли шу тариқа маҳаллага бирлашдилар. Яқин-да шу ҳудудда ўтказилган умумий йиғилишда Р. Ризаев бир овоздан қўмита раислиги-га сайланди.

А. ҲАЙДАРОВ.

Ўрناق олса арзийди ШУНДАЙ ЖАМОА БОР

«УМИД» маҳалласида ўзбек, тожик, рус, немис ва би 20 дан ортиқ миллат вакиллари истиқомат қилишади. Уларнинг ҳам-жиҳатлиги тўғайли камчилик ва муаммолар ўз вақтида барҳам топмоқда, катта ободончилик ишлари амалга ошириляпти.

Яқин кунларгача қўмита раиси ва котиби одамларни уйла-рида қабул қилишарди. Эндиликда маъмурият учун идора мавжуд. Ўртоқлик судининг хонаси ҳам битай деб турибди. Маҳалла оқсоқоллари кўнгилли ҳордиқ чиқарадиган чойхона ҳашар йўли билан қуриляпти.

— Ҳудудимизда 3700 га яқин аҳоли яшайди, — деди қўмита раиси Ж. Собиров. — Очигини айтиш керак, шароитимиз етарли эмас. Бир хонадонда 2-3 та оилалаб яшайдиганлар ҳам бор. Биз биринчи навбатда шуларга жойдан ёрдам бе-ришга ҳаракат қилаёмиз. Бундан ташқари ишламайдиган аёлларни иш билан таъминлаш диққат марказимизда. Ёш қизлар учун маҳалламизда тикиш-бикиш, каштачилик тўга-раклари очиш режалаштирилган. Оилаларни мустаҳкамлаш мақсадида қайнона-желинлар баҳси, кўмуш тўйлар ўтказила-ётгани яхши самара бермоқда. Кўпгина тадбирларимиз эса ўсмир ёшлар таълим-тарбиясига мўлжалланган.

Сўхбат чоғида Жуманиёз ака бошқа хайрли ишлар ҳақида ҳам тўқинланиб гапириб бердилар. У киши билан маҳаллани айланар эканмиз, саранжом-саришталик, озодликдан баҳри-диллимиз очилди. Айниқса Собиров, Раҳматуллаев, Қосимова, Дадабоевалар каби обод хонадонларда яшайётган оилалар эътиборимизни тортди.

Аҳилликда Ҳамза районидаги кўплаб маҳаллаларга ўрناق бўлса арзийдиган жамоадаги бир анъана ҳақида ҳам тўхталиб ўтишни истардик. Улуғ Ватан уруши қатнашчилари, бейналми-лалчи-жангчилар, ногиронлар, боқувчиси бўлмаган ва ёрдам-га муҳтож кишилар доимо йўқлаб турилади. Уруш ва меҳнат фахрийлари ҳамда хотин-қизлар кенгашларининг вакиллари Наврўз айёмида кўплаб хонадонларда бўлишиб, совға-салом-лар улашдилар. Кексалардан Г. Шайдуллин, И. Ткаченко ва бошқалар кўрсатилаётган меҳр-муруватдан миннатдор бў-лишяпти.

— Маҳалламизда ҳамжиҳатлик тобора қарор топиб, обо-дончилик ишлари бажарилаётгани қувончлидир, — сўхбатни давом эттирди Жуманиёз ака. — Депутатларимизнинг саъй-ҳаракати билан кўчаларимизга тунги ёриткичлар ўрнатилди, йўлка ва кўчалар асфальтланди. Ҳозир меваги ниҳоллар ўтқа-зилиб, кўчалармзорлаштириш авжида. Булар яхши албатта. Аммо болаларимиз мириқиб ўйнаб, дам оладиган майдонча-нинг йўқлиги ота-оналарда ташвиш уйғотмоқда.

Гап шундаки, спорт майдончаси қуриш учун райижроқўм томонидан ер ажратилган. Бирок, кўрсатилган майдон фой-даланилмай ётибди. Бу масалада маҳаллани ўз оталигига олган Чкалов номидаги тайёрасозлик ишлаб чиқариш бирлаш-маси томонидан яқиндан ёрдам берилишини истардик. Шунда 500 дан зиёд кичиктойнинг бўш вақти мазмунли ўтиши ҳамда уларнинг жисмонан бақувват бўлиб ўсишларига имконият яратилган бўларди.

Маҳалла аҳли эса қўл қовуштириб ўтирмай, ижтимоий со-ҳадаги муаммоларни ўз кучлари билан ҳал қилишга урин-моқдалар. Умидликлар ўзлари яшайётган ҳудудни энг обод, намунали жойлардан бирига айлантириш учун астойдил бел боғлашган.

Ш. САЪДИЕВ.

ҚАДИМИЙ ВА ОБОД

Тошкент шаҳрининг ўн икки дарвозасидан бири бўлган Камолон дарвозаси XIX асрда Бешёғоч даҳасининг энг катта, қадимий ва обод маҳаллаларидан бири бўлган. Яқин-яқинларгача ҳам шундай бўлиб келди.

Лекин турғунлик йилларида шаҳар аҳолисини уй-жой билан таъминлаш баҳонасида маҳалланинг яшашга яроқли, тарихий аҳамиятга эга бўлган уйлари бузилиб кетди. Бешёғоч томондан келадиган, аҳолини сув билан таъминлайдиган ариқлари Халқлар дўстлиги шоҳ кўчаси ўтиши муносабати билан қирқиб қўйилди. Бузилган уйларнинг эгалари эса шаҳарнинг тўрт чеккасига улоқтириб ташланди.

Шунга қарамай, ҳозирги пайтда маҳалла аҳли ўзини тиклаб олди. Охириги йилларда бу ерда анча ҳайрли ишлар амалга оширилди. Ҳўмладан маҳалла кўчаларининг бир қисми қайта асфальтланди. Маҳалланинг 100 дан ортиқ хонадонига телефон ўрнатишга муваффақ бўлинди. Бу эса хонадонларнинг 70—80 фоизи телефонлаштирилди деган гап. Бундан ташқари шу маҳалла ичида жойлашган 84-ва 34-мактаб биноларида ширкат асосида кичик тикувчилик корхонаси ишга тушди. Ҳозир корхонада шу ерлик хотин-қизлар меҳнат қилишмоқда.

— Маҳаллани газлаштириш ҳақида гапирадиган бўлсак, — дейди Камолон маҳалла кўмитасининг раиси Абдукарим ака Шоҳидов, — бу ишда ҳам биринчи қадам босилди деса бўлади. Яъни, маҳаллага табиий газ трубаларини ўтказиш лойиҳаси тузилганлиги ҳақида «Ташгаз» мутасадди раҳбарлари хабар қилишди. Улар шу йилнинг охиригача маҳаллани тўла газлаштиришга ваъда бердилар.

— Шунингдек, маҳалламиздаги ҳозирги мавжуд дўкон ҳам жуда эски. Айни пайтда у оддий санитария қондаларига ҳам жавоб бермайди. Шунинг учун биз мана 2—3 йилдирки, янги дўкон қуриб олиш ҳаракатида юрдик. Бу ҳаракатларимиз зое кетмади. Ҳозир маҳалламиздаги ширкат йўли билан қурилатган янги дўкон қурилиши битиш арафасида турибди.

— Бироқ, маҳаллада кўп яхши ишлар амалга оширилиши билан бир қаторда муаммоларимиз ҳам йўқ эмас, албатта. Шу муаммолардан бири ҳали ҳам маҳалламизнинг қолган қисми бузилиши ва бузилмаслиги ҳақида аниқ тасаввурга эга эмасмиз. Чунки, маҳалла низомининг чиққанига анча бўлганлигига қарамай, «Маҳаллаларинг бузилмайди» деган қарорни бирорта юқори идоралардан ололганимиз йўқ.

Шаҳримизнинг қадимий ҳамда катта гушаларидан бири бўлган Камолон маҳалласи аҳли ва фаолларининг ҳозирги пайтда амалга ошираётган ишлари мақтаса арзигulik. Айни кунда маҳалланинг тенг ярми бузилиб кетган бўлса ҳам, улар маҳалланинг қадимги маданияти ҳамда урф-одатларини сақлаб қолишга ҳаракат қилишмоқдалар. Маҳаллада ҳар йили миллий ва замонавий байрамлар ўзига хос кўринишларда ўтади. Бунга мисол қилиб яқинда маҳаллада бўлиб ўтган Наврўз байрамини олсак бўлади. Камолонликлар бу йили баҳор байрами Рамазон билан бир вақтда келиши муносабати билан 21 март кунини чойхонада сумалак сайли ҳамда ифторлик ўтказдилар. Тантаналар пайтида Навоий номидаги маданият уйи санъаткорлари чиқишлар қилдилар. Бу ишларни ташкил этишда Абдурахмон Қаюмов, Абборхон Меҳмонов, Раҳмат Турсунов, Юсуфхўжа Рустамхўжаев ва Собир ота Қурбонов каби маҳалла фаолларининг ҳиссалари катта.

Ҳа, Камолон маҳалла аҳли ҳамда фаоллари бу ердаги яхши анъана ва удувлардан фойдаланиш, миллий урф-одатларни, маънавий қадриятларни тиклаш каби ишларга алоҳида эътибор бермоқда.

Ғулом ЮСУПОВ.



АҲИЛЛИКДА ГАП КЎП

КИРОВ районидagi Ғуломмаҳмуд Абдуллаев номли маҳалла шаҳримиздаги аҳил аҳоли истиқомат жойларидан бири ҳисобланади. Маълумки, ҳар бир маҳалланинг ўзига хос хусусиятлари, ибратли томонлари бўлади. Ушбу маҳаллада барча тadbирларни келишилган ҳолда ўтказиш, нурунийларимиз маслаҳати билан иш кўриш, тўйларни ихчам ва камчиқим ўтказиш анъана тусига кирган. Чойхонага ташриф буюрган ҳеч бир меҳмон Абдуллаев ака Абдурахмонов қўлидан бир пиёла кўк чойдан ичмай, беданалар сайронига мафтун бўлмай кетмайди. Маҳалла хотин-қизлар кенгашининг раиси Турсуноя опа Исмоилова саъйи-ҳаракатлари билан кўп болали оилаларга турли енгилликлар яратилмоқда, жумладан, уйга тикниш ишларини бериш йўлга қўйилган. Зикрилла ака Исроилов, Зиёвуддин ака Низоминов, Обид ака Салимов, Убайдулла ака Нурмухамедов, Абдуманнон ака Миржалолов каби Улуғ Ватан уруши ва меҳнат фахрийлари маҳаллада ўтказилаётган барча тadbирлар устида доимо бош-қош. Ушбу гўша К. Маркс колхозини ёнида жойлашгани

сабабли яқинда колхоз 73 хонадонга 6 сотихдан жой ажратди. Ҳозир маҳалла аҳли ер ажратилган хонадонларга ҳашар йўли билан уйлари тиклашга ёрдам берапти.

Биз кунга кеча маҳаллага сураткаш муҳбиримиз Тўлқин Каримов билан борганимизда гул ва дарахт кўчатлари экилиб маҳалла янада обод этилаётганининг устидан чиқдик. Маҳалла кўмитасининг раиси Қобил ака Зокиров ва дўкончи Муслим Холмухамедов уруш ва меҳнат фахрийси Мардон ота Хўжамбердиев хонадонига озиқ-овқат маҳсулотларини элтиб беришгаётганининг шохиди бўлдик.

Ҳа, шаҳримизда бу каби обод маҳаллалар оз эмас. Ҳозир кўп қаватли уйларда ҳам маҳалла кўмиталари ташкил этилмоқда, маҳалланинг кишиларни жиёслаштиришдаги ўрни тобора ортиб бормоқда. Бизнинг мақсадимиз ҳам шу: элимиз тинч бўлсин, юртда фаровонлик бўлсин, юқоридаги каби ибрат олса арзийдиган обод ва аҳил маҳаллалар кўпаяверсин.

Шариф ИСМОИЛОВ.

СУРАТДА: маҳалла ҳаётидан лавҳалар.



ШУНДАЙ қилиб десангиз, дўсту биродарларим билан дийдор кўришишни ҳали ҳам қанда қилганим йўқ. Қайси кунни пойтахтдаги энг йирик «Оқ тепа» маҳалласида бўлиб, тенгқурларим даврасида ажойиб бир суҳбати жонон уюштирдик. Шу бир оғиз:

— Маҳалла аҳли кишининг вазминлигига қараб унга баҳо беради, — деган гапим баҳсимизнинг бошланишига туртки бўлди.

— Йўғе, — кулди ёшлардан бири, — Чувакни (лақаби) кўпчилики танийди, вазни нақ 107 килограмм. Лекин вазминликдан асар ҳам йўқ, эртадан кечгача дўкомимизга кирганлардан қанча ўмариб қолсам экан, деган хаёл билан кунини ўтказишди. Утган якшанбада нархи ошгандан кейин сотаман, деб тўплаб қўйган молларини савдо инспектори топиб олиб, пештахтага олиб чиққач, бечоранинг кавуши тўғрилишига бир баҳа қолувди. Яхшиямки, маҳалла фаоллари орага тушиб олиб

қолишди. Болалари-кўпда, ахир!

— Буваимизнинг нима демоқчи эканлигига мен тушундим, — деди Ҳожи ота, — Шобилолни танийсизлар-а? Жўссаси кичкинагина, аммо бола-чакам, дея эртаю кеч тиним билмайди, жуда меҳнатқаш, феъли мулойим, ўта оғир йигит...

— Ҳа, жуда вазмин, — деди чойхоначи, — маҳаллада бирор тadbир ўтказмоқчи бўлсак, биринчи бўлиб отилиб чиқади. Тўй-маъракаларда

лиги ҳақида фикр юритганимизда унинг яхши-ёмон одатлари, ҳулқ-атвори кўз ўнгимизда гавдаланади, шунга қараб тенгдошларимизга, қўшни ва маҳалладошларимиз ўлчовига тош қўямиз: бу йигит оғир, ановий жувон енгилтак...

— Балли, буважон, — сўзни илиб кетди Маҳкам чол, — тунов кунини қудаларимни кўргани бордим. Маҳалла оқсоқоллари йўлдаёқ ушлаб, чойхонага етаклаб кетишди. Бу ерда

ВАЗМИН

гоҳ самовар қўяди, гоҳ ўтин ёради, гоҳида чилопчин кўтариб, кексалар қўлига сув қуяётганини кўрамиз. Инсон ҳулқидаги ана шу кичик-кичик ижобий хислатлар, менимча, вазминликни, кексаларга, маҳалладошларига ҳурмат-эҳтиромни белгилайдиган ўлчов бирликлари бўлса керак. Тўғрими, отахон!

— Лутфимизнинг бежиримлиги, ўйноқчилиги ҳам шунда: ҳар бир гапимиздаги косанинг тагида нимко-са бор, яширинган мазмунни англаб хоҳолаб кулашимиз. Аския деб ном олган тилимиздаги бу шўхчанлик бошқа бирор халқда йўқ. Ҳатто биргина сўзимиз ҳам баъзан бир неча маънони англатади. Демак, биз кўп ҳолларда инсон вазни, вазмин-

бир воқеани эшитиб ёқа ушлаб қолибман. Район ижроқўми сунъий жундан тўқилган шолча, чангюттич ва яна аллақандай камёб буюмларни кам даромадли оилаларга бепул тарқатиш учун маҳалла кўмитаси изти-ёрига юборибди. Фаоллар бир оқшом талашиб-тортишиб ниҳоят 9 та юпун хонадонга беришга қарор қилишибди. Улар кимлар денг. Бир йўл-қизлари бўйига етиб турган бева аёл, иккинчиси, қаровчиси бўлмаган кекса она, яна бирови яқинда турмуш ўртоғи қазо қилиб, жўжабирдай жон билан қолиб кетган уй бекаси экан. Уларни кўпчилик олдида тарқатилаётган пайтда роса дилхуфтонлик бўлибди.

— Нега энди унга? Ахир, мен ҳам

Бизга мактуб

йўллабсиз

ОВОРАГАРЧИЛИК
ҚАЧОНГАЧА?

МАҲАЛЛАМИЗДАН
ўтган катта симёғочларнинг биттаси биз яшаб турган Тошкент шаҳар Октябрь районидagi Известия кўчаси 15-уйга тақалган. Уйимиз деворлари паст бўлганидан телефон симлари ўтган бу симёғоч шундоққина кўриниб туради ва шу симёғоч орқали кўпчи-ча бегона кишилар бизнинг уйимиз томига чиқиб юришиб, мен ишда бўлган вақтда ёш болаларимни кўрқитишди.

Мен телефон станциясига шу симёғочни уйимиз ёнидан олиб ташлашни сўраб бир неча марта мурожаат этдим. Лекин, эрта-индин келинг деб овора қилишди.

Шу ҳам инсофданми! М. ТОШМУҲАМЕДОВА.
Тошкент шаҳар, Октябрь райони, Известия кўчаси 15-уй.

ЕРИТГИЧЛАРГА
БЕФАРҚЛИК

СЕРГЕЛИ районига қарашли 3-Кўйлик мавзеси уйлари, кўча ва йўл-калари чеккасига қурилган ёриткичларнинг кўпчилиги ишламайди. Масалан, 26-уй олди йўл-калардан кечалари юрсангиз фиғонингиз фалакка чиқади. Болалар тунда юришдан кўрқинишади. Сабаби, бу йўл-канинг баъзи жойларида чироқ бору анча жой оралиги эса зим-зиё қоронғи. Бу жойлардаги йўл-каларга ёриткичлар ўрнатилгани билан деярли кўпчилиги анча йиллардан буён ёнмайди.

Тўнлари дарахтнинг қалин соялари, аксига олиб, йўл-каларни баттар қоп-қоронғу қилиб ташлаган. Сергели райони электр тармоқлари корхонаси нега бунга бефарқ қарашади!

Турсунбой
СУЛТОНОВ.

Низомий номидаги Тошкент Давлат педагогика илмгоҳи катта ўқитувчиси, СССР Журналистлар уюшмаси аъзоси.

Ёдномалар

ТАБАССУМ СУРАТИ



«Муштум» журналида кўп йиллар самарали меҳнат қилган таниқли мусаввир Алижон Холиқов хотираси абадийлаштирилди. Эндиликда Октябрь районидagi Самарқанд дарвоза маҳалласи ҳудудидagi Овсянников кўчаси Алижон Холиқов номи билан юритилмоқда.

Алижон Холиқов номларини эъзозлаб, ўзлари яшаб, ижод этган хонадонлари жойлашган кўчани у киши номи билан аталишида жонбозлик кўрсатган маҳалла аҳлига қалб ташаккуримизни айтамыз.

Мусаввир мўйқалам тутиб
қўлида,
Қогозда табассум суратин
чизар.
Қувноқлик излайди инсон
йўлида,
Инсоннинг кўяглини қулгу-ла
безар.

Қулгу суратини кўксиди
тутиб,
Инсонга қулгулар улашарди
хуш.
Бир дамга одамлар ғамини
унутиб—
Ҳаёт лаззатидан басдир
урса жўш!

Инсон деб яшган азиз
инсонлар,
Ҳаётда қоласиз мангу
бокирал!!!
Фақат аримайди ўқинч,
армонлар,
Сира ҳам ўчмаган сиздан
хотира!

Даврада эслаймиз, кўча-кўйда
ҳам,
Бўлмас экан турмуш сира
ноласиз.
Сиз эса—бу элда, дилда,
уйда ҳам
Юзларда табассум бўлиб
қоласиз!
САЙЕР.

НУФУЗЛИ ЮМУШЛАР

ТОШКЕНТ қишлоқ хўжалик машинасозлиги ишлаб чиқариш бирлашмасида меҳнат фахрийлари билан бир қаторда жуда кўплаб ишчи-ёшлар меҳнат қилиши ҳаммамизга маълум. Лекин шу ёшлар ўртасида тарғибот ва ташвиқот ишларини олиб бориш ҳам нуфузли юмушлар ҳисобига киради.

Бирлашманинг 1, 2, 3 ва 6-ётоқхона фаоллари ва шу ерда истиқомат қилувчиларнинг таклиф ва истакларига биноан маҳалла қўмитаси 1990 йилнинг ноябрь ойида тузилган эди. Қўмитага 9 киши аъзо бўлиб, улар ёшларнинг орасида вужудга келадиган муаммоларни ҳал этишга кўмакдош бўлишпти. Анъанавий тадбирлар, спорт ўйинлари ўтказишда ҳам бош-қошдирлар.

— Ётоқхонамизда, умуман бирлашмамизда турли миллат вакиллари яшаб, меҳнат қилишади, — дейди маҳалла қўмитаси раиси Файзулла Примов. — Шунинг учун ҳам бошқа маҳаллаларда бўлгани каби бизнинг ётоқхона-маҳалламизда ҳам ёшлар тарбияси масаласи, ободонлаштириш, санитария-гигиена қондаларига амал қилиш каби ишларни амалга оширолмоқдамиз.

Олдимизда турган энг асосий режаларимиздан бири «Наврўз» айёмини катта шодона билан ўтказдик. Шунингдек буюк бобомиз Навоий таваллудининг 550 йиллигини ҳамда олийгоҳ ва илмгоҳлардаги битирувчи талабаларимизнинг диплом тўйларини доимо ёдда сақлаб юрадиган даражада ўтказиш яна бир масъул юмушларимиздандир.

Ётоқхона маҳалла қўмитаси ишларига бирлашма раҳбарияти, касаба уюшмаси ва қомсомол қўмитаси яқиндан ёрдам беришмоқда. Ўтган йили бир вақтнинг ўзидида 80 кишидан зиёд ҳўранда овқатланиб чиқиб кета оладиган ошхона фойдаланишга топширилган эди. «Бир пиёла чой устида», «Келинг, суҳбатлашайлик» каби тадбирларни ўтказишда бу ошхона жуда қўл келмоқда. Оқибат, диёнат, инсоф ва ҳаё ҳақида ўйлаб савоб ишга қўл урган ётоқхона-маҳалла қўмита аъзоларига ва барча ишчи-ёшларга омад ёр бўлсин деймиз.

Гулзода МАМБЕТОВА.

ФАОЛЛАР БОШ-ҚОШ

АКМАЛ Икромов районидagi Усмон Юсупов номи маҳалла энг фаол маҳаллалардан ҳисобланади. Бу ерда ҳамма ишлар ўзаро келишилиб амалга оширилади. Маҳаллада тўйлар ва бошқа маросимлар жамоа фаоллари иштирокида ўтказилади. Бунда шу тўй ёки маросимни ўтказишнинг ўзининг оилавий иқтисодидан келиб чиққан ҳолда ёндашилади.

Яқинда маҳаллада ҳашар ўтказилди. Ҳашарда маҳалла хонадонларининг ҳаммаси қатнашди. Ўша кунни маҳалла чойхонаси ҳамда кўчалари анча тартибга келтирилиб, баъзи бир таъмирлаш ишлари ҳам олиб борилди. Бу умуммаҳалла ҳашарида айниқса Қобул Миржалолов, Миргани Сандов, Садриддин Қўчқорхўжаев, Ботир Саидов каби фаоллар бошқаларга ўрнак бўлган ҳолда ишлади.

Бундан ташқари маҳалла клубида ёшларга араб алифбосини ўргатиш мақсадида ўқув курси ташкил этилди. Айни пайтда бу курсда маҳалланинг 35 та ёшлари таълим олмоқда. Ҳозирнинг ўзидеёқ бу ёшлар арабча китобларни бемалол ўқий оладилар.

Хуллас, маҳалла аҳли ҳамма ишларда фаол. Бу эса ўз навбатида маҳаллада ҳамма ишларни ҳамжиҳатликда ҳал қилишда кўп келмоқда.

Аъзам ОДИЛОВ.

АСР билан юзлашиб, негара-чаваралари даврасида бахтиёр ҳаёт кечираётган отахон ва онахонларни кўрсак ҳавасимиз келади. Нуруний кексаларимиз яшаётган хонадондаги фойз, қут-барақан айтмайсизми. Пиру бадавлат бўлиб, узоқ умр кўриш ҳар бир кишининг орузи бўлса керак. Шу боис қутлуг дамларда бир-биримизга чинор умрини тилаймиз.

Ишчилар шаҳарчасидаги хонадонлардан бирига кириб борганимда ҳаёлимни ана шундай ўйлар чулғаб олган эди. Ўзини Василя деб таништирган хушбинчилигина аёл ичкарига бошлади.

— Бу киши қайнонам Қундуз ая бўладилар, — таништирди Василя опа.

— Хуш келибсиз қизим, қани бу ёққа чиқинг, — деди ая кўрпачага ўтиришга ундаб, юзларига фотиҳа тортдилар.

105 ёшни қаршилаган Қундуз ая Абдуқодирова билан суҳбатимиз кизиб кетди. Чехрасидан нур ёғилиб турган онахон йўқлаб келганимдан жуда мамнун эканликларини билдириб, яйраб кетдилар.

Пиру бадавлатларимиз

ТУРМУШНИ ШИРИН ҚИЛИШ ҚЎЛИМИЗДА



— Зап келибсиз-да қизим, мана турмушимни кўриб турибсиз. Ен-атрофдагилардан ёмон яшаётган жойимиз йўқ. Шунча ёшга кирган бўлсам ҳам минг шукр, ҳали теткиман.

— Фарзандлардан нечта? — сурайман аядан.

— Ўн бир боламдан иккиси ҳаёт қолган. Ҳозир 17 негара ва 6 чеварам бор. Бир-биридан ширин келинларим ҳам меҳрибон. Байрам қўнлари яқинлашганда негара-чавараларимга жажжи қўйлақчалар тикиб, соғга қилишни яхши кўраман. Дам олиш қўнлари ўғилларим оиласи билан келиб, йўқлаб туришади.

Аянинг ўғли Аҳмаджон ака Тошкентдаги қўнария техникумида директор бўлиб ишлаб, ҳозир пенсия гаштини сураётгилар. Қизлари Манзура опа эса Сув хўжалиги вазирлигида муҳандис.

— Бизнинг замонамизда аёллар ишламасди, бола тарбияси билан шуғулланишарди, — деди ая қўнчақлик билан. — Энди бўлса онладаги танглик, иқтисодий қийинчиликлар бунга йўл қўймайди. Умр йўлдошим деҳқончилик қилар, менинг далага чиқишимга қарши эди. Ҳозирги ёшларнинг ҳаёти бошқача, қолаверса замонга қараб иш туташ зарур. Шулардан хулоса қилиб айтаманки, турмушни ширин қилиб яшаш ҳар бир кишининг ўз қўлида. Энг муҳими, оилаларда уйдабуронлик билан иш туталса, бўлгани. Сиз ана шулар ҳақида ёзинг, муҳбир қизим!

Т. ЗАЙНИТДИНХЎЖАЕВА.

бир ўзим ёлғиз яшайманку! — дея жанжал қилибди Жаннат хола.

— Мен эса оддий фаррошман, акамнинг қарамоғида яшайман, — дея йиғламсирабди ўрта яшар иккинчи аёл. Хуллас, шунга ўхшаган яна 2—3 киши туфайли хурсандчилик билан бошланган йиғилиш хунобгарчилик билан тугабди.

Мен бир нарсасга ҳайронман, буважон. Шундай оғир бир шароитда маҳаллий ҳукумат ёрдам қўлини

ган таксичи йигит, — аммо уни баъзан уст-бошининг эскилигига, оладиган кам маошига қараб тақсимлаб юбораверишади. Бу ерда қандайлигини билмайману, бизнинг маҳаллада эса ана шу ўлчов билан иш кўришади. Мана, масалан, менинг Жаҳонгир исмли бир қўшним бор. Ўзи ҳам, рафиқаси ҳам урса тоғни талқон қиладиган кимсалар. Бироқ ишларида қўним йўқ. Ҳозиргача йигирмата корхонада ишлаб чиқишди.

БЎЛАЙЛИК

чўзиб турсаю, қувонишимиз ўрнига биз бир-биримизга тош отиб, енгил-таклик қилиб ўтирсак, ўзбекчилигимизга бу энд эмасми, ахир! Айтишларига қараганда, Жаннат хола катта оғиз бўлгани учун иккита келини билан чиқишмай ҳукуматдан уй олиб ёлғиз яшар, пенсияси ҳам каттагина, тагин эски ишхонасида баҳоли қудрат ишлар ҳам экан. Иқболхон исмли иккинчи аёлга эса у хизмат қиладиган корхонада тузуккина моддий ёрдам кўрсатишбди. Бунинг устига опанинг чайқовчилигини ҳам бутун маҳалла биларкан. Ана шунча гаплар, буважон...

— Ёрдам, ёрдам деймизу, — деб гапга аралашди ҳозиргина бир пиёла чой ичгани келиб сўрига ўтир-

Энди эса оила бошлиғи қайси бир завода дарвозабон, уй бекаси ҳаммом ходимаси бўлиб ишга киришибди. Майди, ишнинг катта-кичиги бўлмайди. Лекин уларнинг иккови ҳам олий техник маълумотга эга бўлган мутахассислардир. Ичкилик туфайли шу ҳолга тушибди. Тўққизта фарзанд кир-чир, оч-наҳор кўчада санкиб юришади. Яқинда шуларга 200 сўм моддий ёрдам кўрсатишди. Оқибати нима бўлди денг: эр-хотин ичиб, бир-бирларининг юзларини қашқа қилишди.

— Бунақаларга пул эмас, ўша норасидалар учун маҳсулот турларини бериш керак эди, — деди кимдир. — Ҳа, балли, — дея сўзида давом этди таксичи, — ёки уларни маҳал-

ла қатъий назорат остига олиб, оилани бу ботқоқликдан олиб чиқишда ёрдамлашиши керак эди. Шу ҳақда қаттиқ-қаттиқ гапирган эдим, мени енгилтақликда айблашди.

Шу пайтгача жим ўтирган Ҳожи ота ана гапга аралашди:

— Суяги тош босмайди, деганда халқимиз ана шу хилдаги иродаеиз, ароқхўр, навабандларни кўзда тутган, ўғлим. Хулқи суюқ ва совуқ бундай шахсларни фарзандлар уволли уради бир кун! Мана, Сиз такси ҳайдар экансиз. Бир сутка қоровулликда туриб, икки кун ўз шахсий машинасида кирақашлик қилаётган юпун башара бадавлатлар озми! Баъзи жойларда уларга ҳам кам даромадли оила, деб ёрдам кўрсатишади. Ўша кирақашларга аччиқ ҳақиқатни айтиб кўрингчи, дарҳол сизни жиззаки, ҳасадгўйга чиқаришади. Маҳаллада ҳамманинг аҳволи кафтда кўрингандек бир-бировларимизга аён. Худди шунинг учун ҳам маҳаллага катта ҳуқуқлар бериб қўйилди. Фаоллар бундан етти ўлчаб бир кес, қабилида ўта ваъзинлик билан фойдаланишлари керак. Айниқса, дўконлар олдидаги навабда турган камхарж оилаларга эҳтиром кўрсатилиши энг олий ҳиммат...

Ҳа, ечимлар тўқислиги ва меҳроқибатнинг серсаховатчилиги хулқимиз ваъзин, ваъзинчилигига кўп жихатдан боғлиқдир.

Донобувага Абдулла НУРИМОВ
мирзолик қилди.



Ўлкамизда сўлим баҳор кезмоқда. Ҳамма жойларда ободонлаштириш, шаҳримиз ҳуснига янада кўрақ ишлар олиб боришмоқда. 20 апрелда шаҳримизда умумхалқ ҳашари ўтказилади. Келинлар, барчаниз бу ишга ўз ҳиссамизни қўшайлик, маҳаллаларимиз ва дачаларимизни боғ-роғларга айлантирайлик.

Рустам Шарипов сурати.

ОДАМ одамга ғанимат, дейишади. Ночор оилаларни йўқлаш, меҳр-шафқат кўрсатиш инсоний бурчдир.

Киров район ижроқўми маҳаллаларга алоҳида эътибор бераётгани туфайли бу ерлардаги ижтимоий масалалар ўз вақтида ҳал этилмоқда. Ёрдамга муҳтож оилалар, ногиронлар ва кўп болали оилаларга ғамхўрлик қилиш район раҳбарларининг доимий эътиборида. Наврўз кунларида Юнусов бод даҳаси 15-мавзесидаги бирлашган маҳаллаларда қилинган ибратли ишлар бунга ёрқин далилдир. Унда ўттиздан зиёд миллат вакилларида ташкил топган 11 минг аҳоли бир оила фарзандларидек аҳил-иноқ ҳаёт кечирмоқда. Маҳаллада ўттизга яқин ночор, ёлғиз оила бўлиб, улар турмуш шароитидан мунтазам хабар олиб турилибди. 12 поликлиникага қарашли 15-мавзенинг участка врачлари Му-

БИР-БИРИМИЗГА ҒАНИМАТМИЗ

борак Қурбонова эса беморларга, ногиронларга доим яхши қарагани учун поликлиниканинг 1-даражали «Наврўз» мукофотига сазовор бўлди.

Юқорида таъкидлаганимиздек, масъул раҳбарларнинг бевосита ёрдамлари туфайли боқувчиси бўлмаган, ёлғиз оилаларга, жумладан, отасиз қолган олти болалик Ақча Тўлаганова, 3 боланинг онаси Зулхумор Эрматова, кенса Маҳмуд Ҳошимов, 1-гуруҳ ногирони Миркарим Акбаровларга ғалам-палос ҳамда касалманд Баҳром Мирзаевларга чангютич ҳада этилди.

Ҳар баҳорда экиш мавсуми, ободонлаштириш ишлари бошланади. Шу маҳаллада 1 гектару 12 сотих майдонда боболар ва набиралар хиёбони ташкил этилди. 80 сотих ерга мевали ва манзарали дарахтлар ўтказилди, қолган ерига болалар учун маданий — истироҳат боғча барпо этилди.

— Бу йил ҳам 200 та жумладан, олма, шафтоли, ўрик, ёнғоқ, гилос, олча ва бошқа мевали дарахт ниҳолларини ўтқаздик, — деди кўмита раиси Эгамназар Қодиров, — ниҳолларимизни парваришласан куртак ёзиб, қаддини ростласа, кўча-ю хиёбонларимиз ҳуснини янада очади.

Маҳалла оқсоқоллари кенгаши, хотин-қизлар кўмитаси ва фаоллар маҳалла ва хиёбонга Алишер Навоий номини беришни таклиф қилдилар.

Ана шундай ажойиб тадбирларни ўтказишда доим жонбозлик кўрсатаётганлардан Оловуддин Нажмиддинов, Сандвал Ғаниев, Ғофиржон Камолиддинов, Гулнора Аҳмедова, Эркин Тўраев ва Носир Нишоновларнинг номини тилга олсак арзийди.

Нодира
АБДУРАИМОВА.



Ўлкамизга ташриф буюрган Наврўзи олам ҳамма ерда тантанали кутиб олинди. Маҳаллаларда, кўрхона ва ташкилотларда бу баҳор байрами шодона айланиб кетди.

СУРАТЛАРДА: Бектемир районда баҳор байрамини бағишлаб ўтказилган тантаналардан лавҳалар.

Рустам Шарипов сурати.

МАҲАЛЛАМ

Қадим Шоиш бағрида тошқин маҳаллам
Бобомдай вазмину жушқин маҳаллам,
Давринг келди яна жушқин, маҳаллам,
Меҳру муруватли, тўзимли олам,
Сенга таъзимдаман доим маҳаллам.

Файзинг кетиб бир пайт айрона эдинг,
Не қиларинг билмай ҳайрона эдинг,
Удумлар тошталиб, гирёна эдинг,

Ўзингнинг йўқотиб, тортиб ғам, алам —
Саломсиз, аликсиз юрдинг маҳаллам!

Мана, бугун яна қаддинг роз бўлди,
Қайтди анъаналар — жуда соз бўлди,
Эгулик дилларда сарафроз бўлди,

Бас, авж пардаларда янгрисин яллам,
Сен шеърим, кўшиғим, куйим маҳаллам!

Девонбегим ўзинг, Туркқўрғонимсан,
Олмазор, Эгарчи, Тинч кўрғонимсан,
Наврўз, Навбахорим, Хушнуд онимсан,
Навоий, Улугбек, Бобур, Мир Аълам,
Нодираю Ойдин меннинг маҳаллам!

Сен борсан, эзгулик завоқ бўлмайди,
Сен борсан, оқибат ерда қолмайди,
Сен борсан, ўзбегим — мангу, ўлмайди,
Токи тушмас экан қўлидан қалам,
Тожибек мадҳингда бўлур, маҳаллам!
Тожибек ЮСУФБЕК ўғли,
партия ва меҳнат фахрийси.

АЙНИ шундай баҳор фасли эди. Лолақизгалдоқлар ҳиди энкиб, димокча урилди. Биз болалар бошланг, қир-адирлардан, лолақизгалдоқ тергани чопардик. Бошланг юрган болаларни оналари койиб: «Бошингга дўппи кий, лолақизгалдоқнинг офтоби уриб кетади», дейишарди. Ойим эса, дўппи келтириб бошимга кийдириб, ечиб кўймасликни қайта-қайта уқтирарди. Ҳатто саратоннинг иссиқ кезларида ҳам катталар бизга дўппи кийиб юришимизни маслаҳат беришарди. Хўш, нега шундай? Чунки, дўппи бошинг энг нозик жойи — миз қисмини иссиқ ва совуқ, офтоб уриш, ҳатто шамоллашдан сақларкан. Аждодларимиз бунга яхши билишган. Айниқса, ўзбек дўпписи барча шароитларга мослашиб, чиройли ва ихчам тикилган. У яна шуниси билан дунё халқлари эътиборини тортмоқдаки, шляпа, шапка, қалпоқ ва бошқа бош кийим-

лар турли йнғин ва анжуманларда ечилади-ю, дўппи эса, бошда тураредди.

Дўппи ҳақида халқ орасида турли ривоятлар ҳам юради. Чунончи, Луқмони Ҳаким ҳузурига сочи ўсиб кетган йигитни

Миллий кийимларимиз

СЕВИБ ВА АРДОҚЛАБ

келтиришибди. Унинг доим боши оғрикан. Ҳаким кўрибди ва шундай маслаҳат берибди: «Сочини олдириб, дўппи кийдирилсин. Бундан бошқа даво йўқ, бу йигитга. Шундан сўнг, бош оғриги дардидан қутулади».

Дўппи қачон ва қаерда пайдо бўлган, деган савол туғлаши табикий. Маълумотларга қараганда, у эракиздан аввалги асрларда Шарқда пайдо бўл-

ган. Дастлаб, Ироқда ироқи дўппилар тикилган ҳақида, сўнг жумҳуриятимизнинг Фарғона, Тошкент, Самарқанд, Бухоро, умуман Урта Осиёнинг деярли барча шаҳар ва қишлоқларида дўппилар тури мавжуд бўлган.

Ҳа, дўппи қаддини қардош ва ажнабий халқлар яхши билётган кейинги пайтларда замонамиз одамларидан кўпчилигининг сочини ўстириб, ўзларича олифтарчилик қилишле-

ТУРМУШДА АСҚОТАДИ

Айтайлик, уйингизда юмшоқ нон тугаб қолди, лекин суви қочган ёки қаттиқ нонни эҳтиёт қилиб қўйгандирсиз. Уни янгилаш мумкин. Қаттиқ нонни бироз ивйтиб, суви қочган нонни эса ҳўллайсиз. Ҳар иккаласини манти қасдон лаппакларига қўйиб буғласангиз билқиллаб қолади. Шу усулда ортган қатлама, сомса ва бўғирсоқларни ташлаб юбормай «яшартириб» ейилса, исрофгарчилик анча барҳам топади.

Тухумни ийлаб, унга қаттиқ нон бўлақларини ботириб, ёғда қовуриб, ўз селига 5—7 минут дамлаб қўйсангиз, юмшаб, бағоят лаззатли таом ҳосил бўлади.

Дуккакли донлар (ловия, нўхат, мош кабилар)ни иссиқ сувда ивитманг, улар таркибидagi оқсил қотиб қолади.

Ловия, мош, нўхат ва бошқа шу каби дуккаклиларни пиширишда совуқ сувга солинади ва паст оловда қайнатилади. Гуруч, макарон, вермишель, угра каби хамир маҳсулотларни қайнаётган сувга солиб пиширилади.

Пўсти дарз кетган тухумни сувга солиб пиширсангиз, ёрилиб кетмайди.

Қозонда ёғни доғлаб иёз жазланг, тўғралган гўшт қўшинг, сўнгра томат билан картошка ташлаб қовуринг. Сув қўйинг, у қайнаб чиққандан кейин нон бўлақларини солиб дамлиг. Таомнинг ҳажми анча кўпаяди, томатнинг нордонлиги, гўштининг лаззатини шилиб олган қаттиқ ноннинг таъми жуда хушхўр бўлади.

Нон пиша, чинни ёки сирли идишда қопқоғини ёпиб сақласан, юмшоқ туради. Идиш тагига бир кесим картошка ёки озгина туз ташлаб қўйилса нон могорламайди.

Суви қочган нонни юмшатмоқчи бўлсангиз, уни 5 минут нам сочиқда ўраб қўйинг. Кейин унча қиздирилмаган духонада 20—25 минут сақласангиз бас.

Мураббога ишлатилмаган мевани яхшилаб тозалаш ва ювиш, шунингдек мураббо пиширадиган ва сақлайдиган идишларни стерилизация қилиш катта аҳамиятга эга, акс ҳолда мураббо узоқ сақланмайди, ачиб ёки могорлаб қолади.

Наргиза РҲЗИБОВА
тўплаган.

ри, турли «мода»лар кетидан қувишлари ачинарли ҳолдир. Айниқса, шаҳар жойларида дўпписиз, бошланг юриш авж олмоқда. Бош кийимсиз юрган баъзи кимсаларга дўппи кийиш маслаҳат қилсангиз, дўппи кийганларни биров менсимаслиги, гўё маданиятдан орқада қолаётгандек туюлиши ҳақида сафсата сотади. Бундай гаплар калта ўйлашдан бошқа нарса эмас. Бизнингча, халқлар бир-бирлари билан дўстотув яшаб, миллий кийим, урф-одатларининг ибратли томонларидан фойдалансалар, жумладан, дўппининг ҳам саломатлик йўлида кашф этилганлигини унутмасалар нур устига нур бўларди.

Маҳмуд АҲМЕДОВ,
Ўзбекистон ССР Давлат санъат музейининг катта илмий ходими.